

肅寧縣志卷之一

方輿志

輿圖廣矣京輔為首善地所隸縣邑特一方已也
顧其間郡邑分合沿革不同則郊圻遞易而疆域
之相犬牙宜尋尺辨者察禮祥覘氣應雖在片壤
要當以星土辨封域焉蕞爾彈丸無名山大川之
奧衍鮮古蹟以稱勝概然而景物或遷圖紀自在
能勿姑仍其髣髴乎况風俗者教之效也物產者
養之資也祥異者治之符也尤一方紀載所務詳

肅寧縣志

卷一

方輿

一

云志方輿

沿革

肅邑本漢武垣縣地隋唐為河間縣地宋熙寧中置
平魯寨即今治所在金升為肅寧縣屬河間府元
至元二年廢為鎮入河間縣肅寧鎮永寧鎮
北林鎮俱元置尋復
置屬河間路明仍為肅寧縣屬河間府

國朝因之

舊志沿革云肅邑昔為河間府附郭後更置今治
東南周十六里內城周三里舊基尚在是誤以武



垣古城爲肅寧舊治也不知今治東南之武垣爲漢魏舊縣而肅寧縣治則金元以來更置前後殊名彼此各地烏容混也又云今縣治宋熙寧中爲平魯寨景德二年更爲肅寧城是誤以熙寧之寨卽景德之城也不知景德所置肅寧城仍附河間郡郭卽今河間縣治而今肅治乃金因宋寨升縣者亦前後彼此各殊不容混也特訂正之

按府志河間縣

沿革云宋景德二年置肅寧城附河間郡郭確矣顧志肅寧縣沿革亦云宋景德二年置肅寧城便複且混而通志於肅寧縣沿革亦云然皆爲邑舊志所沿誤耳

肅寧縣志

卷一方輿

二

疆域

肅寧縣治在本府城西四十里東抵河間縣界三十
七里南抵深州饒陽縣界二十里西抵保定府蠡
縣界二十里北抵保定府高陽縣界二十里正東
至本府城四十里東北至天津府二百四十里西
北至保定府省城一百三十里正北達

京師三百六十里東西廣五十七里南北袤四十里編
戶一十五里

星野

肅寧禹貢冀州之域戰國隸趙地周禮註云堪輿十
二次之分大梁趙也春秋元命苞云昴畢間爲天
街散爲冀州分爲趙國史記天官書云昴畢冀州
晉書天文志云自胃十度至畢十一度爲大梁於
辰在酉趙之分野屬冀州唐書天文志云胃昴畢
大梁也全趙之分宋史天文志云天市垣二十二
星東藩十一星十日趙明一統志云河間冀州之
域天文尾箕分野

本朝河間府志云日躔黃道分野肅寧入尾十八度二

肅寧縣志

卷一

方輿

三

十八宿分野肅寧入畢十度

按日躔黃道之分野明誠意伯所測定者

二十八宿之分野漢留侯所刊劃者

分野之說原周禮保章氏夫天體渾淪周流其星
豈有分屬然歲爲越得緯聚秦分歷稽左史諸書
占所在祲祥輒得事應抑亦有不可廢者夫冀九
野之一星主大梁矣趙則冀之一也河間郡又趙
十之一也肅邑又河間卜之一也肅於大梁之分
能於其度而定之數哉且旣云昴畢又云胃昴畢
又云河間爲尾箕天官家言參差抵牾殊難論定

茲特並存之以備志之一體若夫太階均平熒惑
三徙蓋存乎人事云

山川

青口河在縣北三里

河村河在縣北五里

甘河在縣西三里

灘頭河在縣東八里

海市河在縣西南十五里

以上五河俱屬唐河下流與中堡河通久淤無水

中堡河在縣東北三十里保定府蠡縣以東高陽縣

肅寧縣志

卷一

方輿

四

以南滋沙澗諸水溢於邑境爲中堡河

玉帶河在縣東三十五里中堡河又東分流爲玉帶

歷五千淀達於雄縣之瓦濟河後自蠡縣北入高

陽歷新安雄縣而出任邱之趙北口於是故道多

湮矣

舊志中堡玉帶二河不甚清析茲依通志改訂

洋東淀

五千淀二淀俱在縣東南三十里舊時鐵燈竿諸水

散流所滙今湮

依通志訂

平鹵渠在縣里曹操將征袁尚鑿渠自滹沱入派

水孤派音

以通海

按通志云古平魯渠在滄州北魯城縣郭內魏武北伐時所開鑿

唐河堤在縣南二十里起自蠡縣三縣口東至韓村張王口迴曲五十里餘口岸共一十八處失時不修水決下澆本縣及蠡縣高陽安州新安雄縣河間任邱安肅容城諸處

大小橫河二道在縣北十五里軍莊村東上接城西諸水下入大窪

白龍河在縣北二十里朱家莊村東上接城南諸水下入大窪

肅寧縣志

卷一

方輿

五

按寰宇記河經武垣之北則肅邑無山可志而川自具也中堡玉帶諸河越今淤塞已久俱爲陸地惟西鄰蠡縣涖河地居上游值天雨連綿河水漲發邑內西北一帶村莊彌漫百里田禾廬舍盡遭湮沒其在五福村等處河決則由石寶尚村史堤等村至軍莊大小橫河直入大窪下接高陽縣豬龍河中間淤塞不過數處其在孟嘗村等處河決則由傅家左白牛堤轉至玉皇廟柳科等村至白龍河直入大窪下接白龍河再至龐口村西放水

口則無歸洩之路矣康熙二十七年總河王立有
石碑碑刻南水放北水當此處原爲豬龍故道年
久淤塞堤防屢易難于挑濬議者謂應于龐口村
西地名倒煞橋引水東出出岸村下至任邱白洋
村趙家莊入趙王河經鄭州藥王廟後入閘歸淀
此一說也又謂應于龐口村西劉家溝緊靠鮑墟
河下流開堤放水入河歸淀乾隆二年高陽縣曾
經詳明允行在案則上流之水即可從此歸洩此
又一說也年來各上憲軫念民生屢經查勘而地
隸四縣事不畫一率至掣肘難行附窪十餘村莊
秋禾無收二麥難種永爲屯水之鄉實堪惻憫顧
萬世之利興於一旦是在經國者悉心籌之耳

古蹟

武垣城府志載武垣廢縣在河間縣西南三十里肅
寧縣境內去縣東南十餘里城周迴十六里內子
城周三里舊址尚存漢武帝東巡海上求仙過此
聞有瓦鐘布鼓異事命望氣者登城物色之得鉤
弋夫人以歸俗名元城瓦礫滿地時得有字磚石

皆漢年號 按漢末王莽改武垣為垣翰亭

白寺鐘 府志載

龍泉井 府志載

望夫臺在城北百餘步許相傳玉環女望楊六郎臺

豐樂堡在縣東十五里高一丈五尺界河間縣地

大史堡在縣北十八里高一丈二尺界鄰高陽縣

子由堡在縣南十二里高一丈五尺界鄰饒陽縣

王村堡在城西十八里高一丈五尺界鄰蠡縣四堡

俱古設守望處

肅寧縣志

卷一

方輿

八景附

青口停舟 即青口河在縣北三里古唐河之下流每值宵月掩映雲霧空濛遙望其間宛有舟

艘滿河之致

龍泉穿月 龍泉寺在縣城內之東北隅寺中有井每於月晦之夕恍惚有月影現於井底人或

多見之者

甘河待渡 在縣西三里古唐河之下流與青口河一派亦每當月夕雲晨烟霧明滅時遙望有

行人叢集待渡之形

海市遨遊 海市河在縣南十五里亦古唐河之下流與甘河青口河皆一派每值雲霧望之有

樓臺城閣聚客遨遊之狀

白寺聞鐘 在縣東十五里寺中有大鐘一相傳或於五鼓時不擊自鳴聲聞十餘里茲毀裂無

存矣

灘頭獨釣 在縣東八里古唐河下流與青口甘河海市河一派亦每於雲月隱映時遙望其處

若有人執竿獨釣云

橋城返照 橋城在縣東北三十里橋之西有紅土坡方太陽西沒時紅光獨耀橋東與他昏黑

之處迥異

垣城積雪 即漢武垣故城在治之南僅存遺址其中嘗有白氣橫衢如積雪道上馬或見之驚

不敢前

按肅志八景大抵浮光掠影附會為多况青口甘

肅寧縣志

卷一

方輿

河海市灘頭諸水久經絕流而龍泉之井已湮白寺之鐘復毀橋城垣城俱成墟蔓其地其物不少

概見矣尚得覩無據之聲光乎又府志肅寧古蹟

兼列河間廢縣肅寧舊縣肅寧寨三處竊按河間

縣地自漢建武垣縣至隋乃置河間縣附郡郭武

垣入焉是武垣城即河間廢縣也不應重列宋景

德二年置肅寧城附河間郡郭是肅寧舊縣即今

河間縣治之附郡郭者也不得復為肅境宋平魯

寨即肅寧寨金因之升縣是肅寧寨即今治也不

祖先製紙衣焚墓間曰送寒衣冬至交拜賀如元旦儀十二月八日雜棗果米豆爲粥名臘八粥或兼飼貧乞者二十四日掃舍初更後設糖餅酒果祀竈兒童或塗飾其面儼戲鼓吹竹爆細民家或乘便嫁娶除夕換桃符貼宜春字陳香燭祀祖先及室神供更歲飯老幼圍爐守歲遠近鼓爆聲自夜達旦

爾雅云河間之民其氣清厥性相近而孟堅志趙地薄人衆丈夫相聚遊戲椎剽作姦女子彈弦貼

躡肅之民何居歟然飢饉之際予以煦噢則姦盜戢休息之餘加以訓誨則剽悍馴要自有試之輒效者故從俗從宜尤當示儉示禮就其性之近而俾慎所習在司牧者利導之而已

物產

穀之屬大麥小麥蕎麥紅梁白梁黃梁黑黍白黍穉黍黃稷紅稷黑稷白稷菜豆黃豆黑豆青豆白豆紅豆扁豆豌豆蠶豆豇豆菜豆葛秫芝蔴

蔬之屬芹菠韭蔥蒜芥芫荽萵苣茴香黃芽白菘紅

白蘿蔔芫茄馬齒蔓菁蒼蓬大頭青棘銀條白花

落籬金針薯蕷即山藥

瓜之屬王瓜東瓜西瓜南瓜北瓜甜瓜苦瓜菜瓜絲

瓜瓠瓜葫蘆

果之屬桃杏李柰梨棗石榴葡萄沙果文官果蘋婆

果

藥之屬紫蘇蒼耳小薊枸杞澤蘭蒺藜芫蔚篇蓄瞿

麥茵陳稀莶地丁槐角牽牛桃仁杏仁栝子仁酸

棗仁火麻仁桑白皮地骨皮益母草谷精草透骨

肅寧縣志

卷一

方輿

七

草夏枯草車前子兔絲子急性子萊菔子牛蒡子

地膚子蛇牀子蓖麻子葶藶子水紅花子土地黃

白扁豆赤小豆黑白丑苦丁香破故紙蒲公英鐵

甲將軍王不留行

木之屬栢松柳楊椿槐桑榆杜柘椒紅荆白楊西河

柳

草之屬艾茅莎葦蘆蒲青蒿苜蓿馬藍水稗水萍

子線子兼子蝦蟇衣燕子翼掃帚苗旱蓮草星

草

之屬金銀玉簪鳳仙雞冠金雀菊蜀葵牽牛郎串
枝蓮夾竹桃秋茱梨剪春羅山芥花旋覆花曼陀
羅花六月菊

毛之屬牛馬驢騾羊豕犬猫兔獾狐鼠刺蝟黃鼠地
狗

羽之屬鶯鳴雞鴿鴉鵲燕雀鷹鷄雉鶴鶉斑鳩黃鸝
黃雀布穀啄木

蟲之屬蠶蜂蟬蝶蠅蟻蚊蛾蛇蝎蝗螂蝦蟇蜥蜴蜻
蜓蟋蟀蟻蝦蜘蛛蚱蜢螻蛄蝻蝸牛蝙蝠

肅寧縣志

卷一

方輿

三

貨之屬布硝鹽酒油木棉泉麻木炭蜂蜜

周禮職方氏冀州穀宜黍稷畜宜牛羊夫全州之
地鎮則恒山水則滹沱涑易而飛潛動植之族尚
無全產况肅延袤方五六十里狹隘斥鹵粟布果
蔬裁贍編戶之需而已客燕雜記於京畿佳果稱
肅寧八月桃廣羣芳譜云肅寧布幾同松之中品
然究不足爲廣饒也顧昔宦瀛渤者或令民口種
榆薤或循九河故道開稻田物產之興半由人事
寧必限於其土之故有哉

郡異

宋

熙寧二年地震如雷

金

明昌元年正月河間等處進芝草嘉禾

元

至元八年河間等路州縣蝗

大德十年四月河間等路蝗

至大二年河間州縣旱蝗傷稼命有司賑之

肅寧縣志

卷一

方輿

古

皇慶元年九月河間等路進嘉禾異畝同穎有一穗
數莖者命集賢學士趙孟頫繪圖藏諸秘府

至治二年五月河間等九縣大雨水五十餘日害稼
民飢免其租之半

天歷三年夏河間等州縣旱

至正 年庚子春五色雲見占云當得名士是科本
邑魏元禮廷試第一

明

正統四年河間州縣蝗

成化二十二年有年

夜雨
晝晴

正德十四年六月朔夜一星如日乍明是年大麥
嘉靖五年春地震

嘉靖十二年冬十月星隕如雨

嘉靖二十五年秋八月天鼓鳴

嘉靖三十九年蝗蔽天禾穗殆盡

隆慶三年正月朔日中有數日近旬始不見夏黑光
與日相摩大水

萬歷二年九月天鼓鳴十月又鳴

肅寧縣志

卷一

方輿

十五

萬歷三年大有年

萬歷十七年十一月四虹並出環日二轉向天氣陰
暖久之乃霽

萬歷十九年夏大蝗食禾幾盡

萬歷二十七年大疫

天啟三年大水地震數次

天啟六年地震秋大水

崇禎十三年大旱斗米銀二兩人民相食屍骸徧野
崇禎十四年大旱飛蝗蔽天或夫婦父子相食死亡

畧盡

崇禎十六年大風晝晦

國朝

順治四年飛蝗蔽天日食晝晦大星畢見

康熙四年三月彗星見

康熙七年六月十七夜地大震大水蠲稅更賑飢

康熙十四年大水壞民居人多逃亡

康熙十八年大水大無麥禾

康熙二十七年歲大熟

肅寧縣志

卷一

方輿

六

康熙四十五年春夏蝗

康熙四十七年夏秋蝗

康熙五十三年大水斗米錢九百文

雍正三年大水雨雹

雍正十一年八月大水出帑賑之

雍正十二年水

乾隆二年七月大雨水賑

乾隆三年水賑

乾隆九年大熟

乾隆十年歲大熟

年大熟

乾隆十四年大熟

乾隆十四年大熟

乾隆十五年大水賑蠲稅

史志祥異所以示天象警人事也肅邑之建纒始於金瀛州累來祲祥訖趙宋以前肅不得列而舊志於元明後事亦無紀則踈矣夷考府志其間有舉全郡海概書之者肅故當與其中夫天鳴地震日食星變百千里外無殊况肅距郡最近卽豐稔

肅寧縣志

卷一

方輿

七

災歉不且十九共之乎茲故摘府志元明間有與於肅者列於篇以備軼聞

國初以來耑爲肅紀率核吏案採里言互証之庶不涉矯誣云

肅寧縣志卷之二

建置志

古者建邦設都其後乃罷侯置守以時遞易而體國經野之制畧同其在一邑類然城郭溝池所以固也署云治政之居也倉儲養之備也郵遞令之程也壇墀祠宇爲民祈且報也寺觀小同於俗也亦神道教之也川則梁墟則市往來交易利小人也表厥宅封厥墓以厚君子生榮之死卹之也率制置所必具蓋治體關於是焉志建置

肅寧縣志

卷二

建置

城池

肅治舊壘土爲城歷元中統間知縣李義至元十六年知縣李穰大德六年知縣焦德用相繼修築明天順庚辰知縣劉伯川重修東西二門周廻六里高二丈八尺池廣四丈深一丈正德丙子知縣黃寔增加修築濬池益深天啓五年發帑金數萬增築之陶磚壘其外周廻六里零一百五十弓高二丈四尺廣二丈五尺護城河一道周廻六里零二百五十弓深一丈五尺廣四丈

國朝康熙五十六年知縣黃世發重修乾隆十六年知縣何培領帑新修

城以土壘不若甃之磚石爲完也舊志以明季壬午之難肅民賴磚城堅厚以免直云邑人魏宦之力鋪叙樓堞細及牌面砲座岑雷等具殊非志體考壬午禦難邑令安公懋修躬率城中士民堅守之功居多然則衆志成城保境土者要自有藩垣屏翰在焉方勝國熹廟時璫且劍持太阿流毒縉紳內訌外侮而明社隨屋卽扞衛枌榆遽歸以其

肅寧縣志

卷二

建置

二

力哉夫志以垂信以示勸也茲於舊所後叙者刪之亦以見干城之當務於其大云耳府志載肅寧城池云宋景德二年始改爲肅寧城通志載肅寧城池亦云宋景德二年建俱爲舊志所沿悞茲故截而去之

衙署

縣署金始置城內西南明洪武二年知縣李明善建永樂三年知縣劉賢萬歷四十五年知縣張嗣謨前後重修

國朝康熙十六年知縣孫元亨加修四十六年知縣陳金閻重建二堂五十年知縣王士鳳重修大門五